

# 庶物類纂

金屬  
自一至二

容

第百廿八函


太政官文庫		和書門
特別	三二二六二號	類
架	第百廿八函	
册	四六五册	


内閣文庫	
番號	和 32362
冊數	465 (166)
函號	第 54 1



八十内


共廿





庶物類纂金屬總目

卷之一  
金總



卷之二  
金總

卷之三  
金總

卷之四  
金總

金總

庶物類纂 卷之四

金屬總目

卷之五

礦石

麩金

沙金

金屑

金泥

瓜子金

顆塊金

金簿

種金

卷之六

白金

赤金

紫金

辱金

假金

禁侈靡

卷之七

銀總

卷之八

銀總

卷之九

銀礦

黃銀

赤銀

烏銀

銀薄

銀屑

銀膏

鍍銀

假銀

卷之十

銅

卷之十一

錢總

卷之十二

錢總

卷之十三

錢總

卷之十四

錢總

卷之十五

錢總

卷之十六

錢總

卷之十七

泉志

錢譜

卷之十八

錢法

卷之十九

金錢

銀錢

鐵錢

鉛錢

紙錢

卷之二十

交子

鈔

卷之二十一

鏡總

卷之二十二

鏡總

卷之二十三

陽燧

水心鏡

異鏡

卷之二十四

金鏡

鐵鏡

水銀鏡

火齊鏡

玻璃鏡

卷之二十五

透光鏡

凹凸鏡

三方鏡

軒轅鏡

鏡臺

錫銅鏡鼻

鏡鏽

卷之二十六

銅礦

銅粉

銅青

白銅

銅佛

銅弩牙

銅鈎鈕

銅秤錘



蘇州雜錄

銅匙柄

卷之二十七

鐘

銅鼓

鐵馬

諸銅器

卷之二十八

自然銅

鑰石

密陀僧

卷之二十九

鉛

鉛丹

鉛霜

卷之三十

粉錫

倭鉛

錫

蘇州雜錄

金屬總目

斗錫

卷之三十一

鐵總

卷之三十二

鐵落

鐵華粉

鐵繡

鐵漿

鐵藝

鋼鐵

聖鐵

卷之三十三

鑛鐵

錠鐵

奧鐵

古鑄

鐵銃

鼎

鑊

卷之三十四

釜

鑪

錫

鈔

鑪

鐵鼓

卷之三十五

刀劍

卷之三十六

刀劍

卷之三十七

刀劍錄

名劍記

卷之三十八

木劍

匕首

矛

戈

鐵鏃

斧

卷之三十九

鉞

鐵甲

鐵鐮

鐵鎖

車轄

馬銜

馬鐙

大環刀

剪刀股

總計一百六種

庶物類纂金屬卷之一目次

金

金

一名黃牙冊房 一名太真本草 一名蘇伐羅

梵書 一名過爾雅 一名鏐同上

俗名各コ憂ガ業子



金

西方日宮之外廣記引有山焉其長十餘里廣二三  
 里高百餘丈皆大黃之金其色殊美不雜土石不生  
 草木上有金人高五丈餘皆純金名曰金犀入山下  
 一丈有銀又一丈有錫又入一丈有鉛又入一丈有  
 丹陽銅似金可鍛以作錯塗之器淮南子術曰餅丹  
 陽之為金是也漢東方朔  
 神異經

機謹按漢魏叢書中無細註六字無是也之是字  
 西方者金也萬物成熟始復諾故其真腥漢班固  
 白虎通

金味所以辛何西方煞傷成物辛所以煞傷之也猶

五味得得辛乃委煞也同上

或問黃白之傳

抱朴子曰神仙經黃白之方二十五卷十有餘首黃者金也白者銀也古

人秘重其道不欲指斥故隱之云爾按秦李少君言丹砂可化為黃金卒無驗病死漢宣時劉更生言黃

金可成上令典尚方鑄作事費甚多曰傳毅論之當方不驗母怪乎世人疑為虛誕也

也傳毅字武仲肅宗時與班固賈逵共典燔埴為瓦校書考其傳無論黃白之說意亡矣

則可埴埴也燦瓦為銅則不可以自然驗於不然詭哉

飲大羊之肉以造馬牛不幾矣不其然歟丹砂為金河車作銀

非同類矣。漢荀悅氏申鹽。漢魏叢書

大統寺在景明寺西即所謂利民里寺南有三公令

史高顯畧宅每夜見赤光行於堂前如此者非一向

光明所掘地丈餘得黃金百一作千斤銘云蕪秦家金

得者為吾造功德顯畧遂造招福寺人謂此地是蕪

秦舊宅當時先又秉政聞其得金就落索之以二十

斤與之銜之按蕪秦時未有佛法功德者不必是寺

應是碑銘之類頌其聲跡也魏楊銜之洛陽伽藍記

真誥金陵古名之為伏龍之地句曲山秦時為句金

之壇以積金山得名山生黃金漢靈帝詔採句曲之



金以充武庫孫權遺宿衛人採金屯伏龍之地曰改名金陵陶洪景云大茅山尚有數坑名金井山之近東諸處碎石往往皆有金沙真誥又云水色白都不學道飲此水亦令人壽亦金津液之所漑耶晉李石續博物志

生金出長傍諸山取法以春或冬先於山腹掘坑方夏水潦蕩沙泥土注之坑秋始披而揀之有得片塊大者重一斤或二斤小者不下三四兩先納官十分之八餘許歸私仍累勞効免征賦歟金出麗水河聯

川有罪送淘金所最為重役會同川銀山出銀礦私

置治官收十之三諾聯川有錫山出錫同上

華俗謂上金為紫磨金夷俗謂上金為楊邁金同上

即子金世傳淮南王安藥金上有印子篆文劉主字


壽州八公山土中耕者往往得之小餅重半兩有一

印大餅至七兩有二十許印同上

昆吾山其下多赤金色如火晉王嘉拾遺名山記

南康樛都縣西沿江有石室名夢口穴嘗有船人遇

一人通身黃衣擔兩籠黃瓜求寄載過至岸下此人



唾盤上徑下崖直入石穴中船主初甚忿之見其人  
入石始知異視盤上唾悉是金矣梁任昉述異記

漢世古諺曰雖有神藥不如少年雖有珠玉不如金  
錢同上

晉時晉陵薛願家有缸飲其釜中水須臾而渴願曰  
以酒祝而益之缸復飲盡吐金滿釜而去願家遂至

大富同上

三國時昆明國貢魏瀨金鳥鳥形如雀色常翺翺海  
上吐金屑如粟至冬此鳥即畏霜雪魏帝乃起温室

以處之名曰辟寒臺故謂吐此金為辟寒金也同上

晏子曰景公為履黃金之綦

孝經援神契曰石潤苞玉丹精生金翠羽揚也三物合和

氣故能變通易色也又曰四夷賓服則金勝土

孫子瑞應圖曰王者不藏金玉則黃金見深山

禮斗威儀曰君乘金而王其政平則黃金見深山

列子曰齊人有欲金者清且衣冠之市適鬻金者之

所同攫其金而去吏捕之問曰人皆在焉子攫人之

金何故對曰取金之時不見人徒見金

魯連子曰秦師圍趙而退平原君以千金欲為魯連先生壽連笑曰所貴天下士者為人釋難解人締結若即有取商賈之事連不忍為也  
燕丹子曰太子自喜得荊軻永無憂秦後日與軻之東宮臨池而觀軻拾瓦投壺太子令人奉盤金軻用祇賜金復進軻曰非為太子憂金也但臂痛耳  
史記曰秦獻公十八年雨金櫟陽公自以得金瑞故作畦時於櫟陽祀白帝又曰秦始皇葬於驪山以黃金為鳧鴈

韓詩外傳曰楚襄王遣使者持金千斤白璧百雙聘莊子欲以為相莊子辭而不許使者曰黃金白璧寶之至也卿相尊位也先生辭而不受何也

機 謹按淵鑑類函金千斤作金千斤

列仙傳曰安期先生始皇請見之賜金璧數千萬  
列女傳曰秋胡子既官於陳五年乃歸未至見路傍有一美婦人方採桑秋胡子下車謂之曰吾有金願與夫人婦笑曰嘻夫採桑以作紡績經織以供衣食奉二親養夫子而已矣吾不願人之金

廬江七賢傳曰陳翼到藍鄉見道邊有馬傍有一病人呼曰我長安魏公卿聞廬江樂來遊今病不能前翼迎歸養之病困曰有金十餅素二十疋死賣則以殯斂餘謝主人既死翼賣素買棺衣衾以金置棺下騎馬出入後其兄長公見馬告吏捕翼翼具言之棺下得金長公叩頭謝以金十餅投其門中翼送長安還之翼後為魯陽尉號魯陽金尉

英雄記曰董卓郿塢有金二三萬斤

益部耆舊傳曰王忱諸師於客舍見諸生病甚困謂

忱云腰下有金十斤願以相與收藏尸骸未聞姓名

機謹按淵鑑類函聞作問

而絕忱賣金一斤以給棺殮九斤置生腰下後暑大度亭長到亭日有白馬一匹入亭中其日大風有一繡被隨風而來後乘馬突入金彥門彥父見曰真盜矣忱說狀又取被示之悵然曰此我子也以被馬歸彥父彥父不受遺迎彥喪金具存

錄異傳曰隗炤者汝陰鴻壽亭民善於易臨終書版授其妻曰吾亡後當大荒窮雖爾而慎莫賣宅也到

後五年春當有詔使來賴此亭姓龔此人負吾金卿  
以此版往責之勿違言也亡後果大困欲賣宅者數  
矣憶夫言輒止到期日有龔使者果止亭中妻遂責  
版往責使者執版不知所言曰我平生不踐此  
何緣爾耶使者沉吟良久謂曰賢夫何能妻曰夫善  
易而未嘗為人卜使者曰可知矣乃顧命侍者取著  
而筮之卦成抵掌歎曰妙哉隗炤生含明隱迹而莫  
之聞可謂鏡窮達而洞吉凶者也於是告炤妻曰吾  
不相負金賢夫自有金乃知亡後當蹙窮故藏金以

待恭平所以不告兒婦者恐金盡而困無已也吾善  
易故書版以寄意耳金有五百斤盛以青氈覆以銅  
梓埋在堂屋東頭去壁一丈入地九尺妻還掘之背  
如卜焉

機謹按淵鑑類鑑頤作頤炤生作隗生

搜神記曰郭巨兄弟三人早喪父禮畢二弟求分以  
錢二十萬二弟各取千萬巨獨與母出居客舍夫婦  
傭賃以給供養居有頃妻產男巨念與兒妨事親一  
也老人得食喜分兒孫減饌二也乃於野鑿地欲埋

兒得石蓋下有金一釜中有丹出曰孝子郭巨黃金  
一釜以用賜汝於是名振天下

世說曰管寧華韻鋤萊見金管揮鋤與瓦石不異華  
捉而擲去

扶南傳曰毗騫國食器皆以金為之

幽明錄曰淮牛渚津水極深無可算許人見一金牛

形甚瑰壯以金為鑠絆又曰巴丘縣自金固以上二

十里名黃金潭莫測其深上有瀨亦名黃金瀨古有

釣於此潭獲一金鑠引之遂滿一船有金牛出身奔

壯釣人被駭牛目奮勇躍而還潭鑠乃將盡釣人以  
刀斫得數尺潭瀨曰此取名

機謹按壯淵鑑類函作狀

異苑曰永康王曠井上有一洗石時見赤氣後有二

胡人寄宿忽求買之未及度錢子婦孫氏覩二黃鳥

鬪於石上疾往掩取變成黃金以上唐歐陽  
詢藝文類聚

機謹按淵鑑類函胡人作賈人

說文曰金五色金也黃金為之長久埋不生衣百陶

不輕從革不遠四方之行也生于土從土左右注象

金在土中形

機謹按四方當作西方

釋名曰金禁也氣剛毅能禁制物

禹貢曰淮海惟揚州厥貢惟金三品金銀銅也

洪範曰五行四曰金從革作辛

周禮考功記曰攻金之功築氏執下齊治氏執上齊

鳧氏為聲橐氏為量段氏鑄器桃氏為刃鄭玄注曰多錫為下

齊少錫為上齊金有六齊六分其金而錫居一謂之鐘鼎之

齊五分其金而錫居一謂之斧斤之齊四分其金而

錫居一謂之戈戟之齊三分其金而錫居一謂之大

刃之齊五分其金而錫居一謂之制殺之齊金錫半

謂之鑿燧之齊鑿鏡也金多錫及白且明

毛詩魯頌泮水曰憬彼淮夷來獻其琛元龜象齒大

賂南金

周易說卦曰乾為金

爾雅曰黃金謂之盪其美者謂之謬餅金謂之鈇純

澤謂之鈇美金最西南之美者有華山之金名焉

漢書曰武帝即位樂大曰臣之師曰黃金可成而河

可塞

又曰劉向字子政本名更生宣帝時更生言黃金可成上令典尚方鑄作事費多方不驗

續漢書曰楊震為東萊太守道經昌邑初震舉茂才王密時為昌邑令詣見至夜懷金十斤以遺震震曰故人知君君不知故人何也密曰暮夜無知者震曰天知神知子知我知何謂不知密愧而去

機謹按懷當作懷

張璠漢記曰永昌太守鑄黃金之地獻之梁冀益州

刺史种高發其事

後漢書曰荊州金銀之所出

略魏曰大秦國出金織成帳也

王隱晉書曰永嘉初陳國項縣賈達石碑中生金人盜鑿取賣賣已後生此江東之端也

又曰咸寧三年起居注載燉煌郡上金洞中生金百陶不消可以切玉

又曰鄱陽樂安出黃金鑿土十餘丈披沙之中所得者大如豆小梁米南郡象林南有四國皆稱漢人貢



金供稅

機 謹按小下當有如字

晉後略曰載賈后以鹿車詣金墉城食金屑而死  
晉書曰清河王暉初為清河世子所佩金鈴斂生隱  
起如麻粟者祖母陳太妃以為不祥毀而賣之占者  
以金是晉行大興之祥暉為皇胤是其瑞也毀而賣  
之象暉見廢不終之驗也

宋書曰彥回為吏部尚書有人求官密袖中將一餅  
金回求問出金示之曰人無知者彥回曰卿自應得

官無假此物者必見與不得不相啓此人大懼收金  
而去彥回叙其事而不言其名時人莫之知也

機 謹按淵鑑類函彥回上有褚字密袖中作袖中

密

南史曰南海扶南國王諸農死子陽邁立陽邁初在  
孕其母夢生兒有人以金蒹藉之其色光麗夷人謂  
金之精者為陽邁中國云紫磨者曰以為名宋初二  
年遺 貢獻以陽邁為林邑王

齊書曰梁武帝於襄陽起兵蕭穎胄以荊州應焉時

長沙寺僧鑄黃金為龍數千兩埋土中歷相傳付稱  
為下方黃鉄頴胃曰取此龍以充軍實

梁書曰武陵王紀鎮蜀既東下黃金一斤為一餅百  
餅為造至百造銀五倍之其他錦罽稱是每戰則懸  
金以示將士終不嘗賜

又曰廬陵王續之子應不慧王嘗至庫內閱珍物見  
金鋌問左右曰此可食不荅曰不可應曰既不可食  
並總乞汝

崔鴻十六國春秋後趙錄曰建武元年十一月不雨

雪二年八月穀價湧貴金一斤值米二升

後魏書曰趙柔字元順常在路得人所遺金珠一貫  
價值百縑柔呼主還之

後魏書曰李安世為主客令每有江南使至多出藏  
內珍物令都下富室好看眼者貸之令使任情交易  
時齊劉纘至金玉肆問纘曰北方金玉太賤當此  
山川所出安世曰聖朝不貴金玉所以同於瓦礫又  
皇上德通神明地不受寶故川無金山無玉纘初將  
大市得安世言慙而罷

北史隨獻皇后山陵後帝賜楊素金鉢一鉢實以金銀一鉢實以珠

隨書曰上賜王公以下射王素箭為第一上手以外國所獻金精盤價值鉅萬以賜之

管子曰玉起於禺氏山金起於汝漢珠起於赤野此相寶去七千里湯以杜山之金以贖民之賣子者禹

以歷山之金贖賣子者江陽之珠天下一美上有丹沙下有黃金上有慈石下有銅金上有陵石下有鉛

錫上有赭下有鉄葛盧山發而出金蚩尤取以為鎧

雍狐山發而出金蚩尤取以為戟楚有汝漢之黃金莊子曰金石有聲不考不鳴也

韓子曰荆南麗水之中生金

淮南子曰玦五百歲生黃頰五百歲生黃金黃金千

歲為黃龍玦石也中央數五故五百歲一化頰音胡貢反頰黃金水銀也秦以一鑑

為一金百重一斤漢以一斤為一金

機謹按淵鑑類函百作而

抱朴子內篇曰山中亥日稱人字者金玉知其物則

不能為害以上太平御覽

博物志卷之六

穆天子傳曰觀天子寶黃金之膏金膏亦猶玉膏皆其精液也

機謹按淵鑑類函觀上有披圖二字觀作視

漢東園祕記曰亡人以黃金塞九竅則尸終不朽

蜀王本記曰秦王以金一笱遺蜀王蜀以禮物答而

盡化為土秦王怒群臣拜賀曰土者地也秦當得蜀

矣

論衡曰衆口鑠金者五行二曰火五事二曰言言與

火宜故云鑠金

風俗通曰衆口鑠金俗說有美金于此衆人咸共誣

訛言其不純賣金者欲其售曰取鍛燒以見真此為衆口鑠金

葛洪神仙傳曰容成公服三黃得仙所謂雄黃雌黃黃金

異苑曰永康王曠井上有一洗浣石時見赤氣後有

胡人寄宿忽求買之曠恠所以未及度錢子婦孫氏

覩一黃鳥聞於浣石上疾往掩取變成黃金胡人不

知索市逾急既得撞破石內止有二鳥處

又曰即墨有古塚發之有金牛塞挺門不動犯之則

無功類纂卷二

金屬 金

十五

庶物類纂

大禍

又曰先儒說禹時天下雨金三日古詩曰安得天雨  
金使金賤如土周王時咸陽雨金今咸陽有雨金原  
秦二世元年宮中雨金既而化為石漢惠帝一年宮  
中雨黃金黑錫又翁仲儒家貧力作居渭川一旦天  
雨金十斛於其家由是與王侯爭富今秦中有雨金  
翁世世富焉

幽明錄曰海中有金臺臺內有金丸玄中紀金之精  
為牛曹操別傳曰操引兵入岷發梁孝王塚破棺收

金實數萬斤天子聞之立法

機謹按淵鑑類函無引兵二字岷作碭

茅君內傳曰取鉛十斤着鉄器極火燒之三沸投九  
轉之華一銖於中攪之須臾立成黃金九斤  
列女傳曰樂羊子出學其妻負義截髮供其費後羊  
子得遺金一餅以與妻負義曰君子不以利汚行羊  
子慚而去之

羣國誌曰蘇秦宅在洛陽利仁里後魏高顯業每夜  
見赤光於光處掘得金百斤銘曰蘇家金業為之造

庶物類纂

金屬 金

十六

寺

劉欣期交州記曰金有華出珠崖謂金華米者也雪山在新昌南人曾於山中得金塊如升迷失道還置本處乃得出

林邑記曰從林邑往金山三十日至遠望金山嵯峨而赤城照耀似天澗壑谷中亦有生金形如虫豸細者似蒼蠅大者若蜂蟬夜行燿光如螢火

地鏡圖曰黃金之氣赤黃千萬斤以上光如大鏡盤白澤圖曰黃金之精名石塘狀如豚居人家使人不

宜妻白鼠以昏時見於立陵之間視所出入中有金宋躬孝子傳曰郭巨河內溫人也妻生男謀曰養子則不得榮業妨供養當殺而埋焉鋪入地有黃金一釜上有鉄券曰黃金一釜賜孝子郭巨孔融聖人優劣論曰金之優者名曰紫磨猶人之有聖也

嶺表異錄曰五嶺內富州賓州澄州江溪間皆產金側近居人以陶金為業自且及暮有不獲一星者鄭傷淘者詩云披沙辛苦見傷懷往往分毛望亦乖刀盡半年汲水裏難全為一鳳皇釵就中澄

州者最為良金余頃年使于上國親友不欲書其姓字附澄

州金二十兩與宮灼權臣余訝其單鮮有人曰金雖

少貴其夜明有異於堂金耳遂留宿驗之信然也以上

太平御覽

太宗時汾州言青龍白虎吐物在空中有光如火墜

地隱入二尺掘之得玄金廣尺餘高七尺出酉陽雜俎。宋李

昉太平廣記

虞卿有山觀甚幽寂有滌陽道士居焉大和中道士

嘗一夕獨登壇望見庭忽有異光自井泉中發俄有

一物狀若兔其色若精金隨光而出環繞醮壇久之

復入于井自是每夕輒見道士異其事不敢告於人

後曰淘井得一金兔甚小奇光爛然即置于巾箱中

時御史李戎職於蒲津與道士友善道士日以遺之

其後戎自奉先縣令為忻州刺史其金兔忽亡去後

月餘而戎卒同上

生金出西南州峒生山谷田野沙土中不由礦出也

峒民以淘沙為生杯上出之自然融結成顆大者如

麥粒小者如麩片便可鍛作服用但色差淡耳欲令

其色如金者如麩片便可鍛作服用但色差淡耳欲令

其色如金者如麩片便可鍛作服用但色差淡耳欲令

其色如金者如麩片便可鍛作服用但色差淡耳欲令

其色如金者如麩片便可鍛作服用但色差淡耳欲令

其色如金者如麩片便可鍛作服用但色差淡耳欲令

其色如金者如麩片便可鍛作服用但色差淡耳欲令

其色如金者如麩片便可鍛作服用但色差淡耳欲令

其色如金者如麩片便可鍛作服用但色差淡耳欲令

唐書卷一百一十一

精好則重鍊取足色耗去什二三既鍊則是熟金丹

竈所須生金故錄其所出宋范成大桂海虞衡志

蘇伐羅或云修跋拏此云金大論云金出山石沙赤

銅中許慎云金有五色黃金為長久埋不變百陶不

輕真諦釋金四義一色無變二體無染三轉作無礙

四令人富以譬法身常淨我樂四德耳宋景德寺法雲翻譯名義

集

廣西諸洞產生金洞丁皆能淘取其碎粒如蚯蚓泥

大者如餅瓜子故世名瓜子金其碎者如麥片則名

麩皮金金色深紫比之尋常金色復加二等此金之

絕品也銀之品有紋如羅甲者有松紋者有中窪而

郭高者皆為精銀其絕品則色青故官品有金紫銀

青之目蓋金至於紫銀至於青為絕品也張敬堂○宋舟陽周

蜜癸辛雜識續集

太祖問杜鎬曰西漢賜予悉用黃金近代乃為難

得之貨何也對曰當是時佛事未興金價甚賤也宋石

本進三朝聖政錄○說郭

崇禎丁丑冬丹陽蔣墅有傭奴刈稻黍中得金粟一

無物類纂卷一 金屬 金 十九



粒可分許衆傳觀以為異明年戊寅粟價如金鎮江府志

翡翠屑金人氣粉犀宋姚寬姚氏殘語

薛宣曰十金法重不忍相暴章康衡坐多取封邑四

百頃監臨盜所守十金以上免為庶人按漢以黃金

一斤為一金十金之重者言其臧直滿十金也宋程大昌

漢繁露

公孫開使人操十金卜於市注二十兩為一金同上

按志云黃金方寸為金又云一斤即一金也四兩為

一斤蜀父谷備志小抄。說郛

大食國其酋長死扶去腦實以珠玉五臟皆以黃金

易之又造金鼻銀齒以人殉葬崑山方鳳夷俗考

庶物類纂

庶物類纂金屬卷之二目次

金

庶物類纂

金屬目次

唐牛黃集卷二

金

壽州八公山側土中及溪澗之間往往得小金餅上有篆文劉主字世傳淮南王棊金也得之者至多天  
下謂之印子金是也然止於一印重者不過半兩而已  
詳有大者予嘗於壽春漢人處得一餅言得於淮  
水中凡重七兩餘面有二十餘印背有五指及掌痕  
紋理分明傳者以謂泥之所化手痕正如握泥之迹  
裹隨之間故壽陵白水地發土多得金麟趾裊蹠麟  
趾中空四傍皆有文刻極工巧裊蹠作團餅四邊無

無物類纂卷二


金屬

金

二

模範跡似於平物上滴成如今乾柿土人謂之柿子  
金趙飛鸞外傳帝窺趙昭儀浴多哀金餅以賜侍兒  
私婢殆此類也一枚重四兩餘乃古之一斤也色有  
紫艷非他金可比以刀切之柔甚於鉛雖大塊亦可  
刀切其中皆虛軟以石磨之則霏霏成屑小說麟趾  
裊蹠乃婁敬所為茶金方家謂之婁金和茶最良漢  
書註亦云異於他金予在漢東一歲凡數家得之有  
一窖數十餅亦買得一餅宋沈括夢溪筆談  
永康王曠井上有洗石時見赤氣後有二胡人寄宿

忽求買之曠恠所以未及度錢子婦孫氏覩二黃鳥  
闔于石上疾往掩取變成黃金胡人不知索市愈急  
既得撞破內空段有二鳥處宋劉敞叔異苑  
義熙中新野黃舒耕田得一船金卜者云三年勿用  
長守富也舒不能從遂成土壤同上  
香爐山在金溪之上溪中沙淘之有金閩書  
祖宗立國之初崇尚儉素金銀為服用者鮮士大夫  
罕以侈靡相勝故公卿以清節為高而金銀之價甚  
賤至東封西祀天書降天神現而侈費寢廣公卿士



大夫是則是劬而金銀之價亦從而增故大中祥符八年十一月乙巳真宗皇帝覽三司奏乏銀支用問輔臣曰咸平中銀兩八百金兩五千今何增踊如此然不知是時其價若干也蓋上以為重則下競趨之求之者多則價不得不踊咸平距祥符十數年間世變已如此况承平日久侈費益甚浴襲至于宜政之間乎是宜價日增而未已也

宋晉陽王林燕翼貽謀錄

真宗皇帝朝盛禮縟儀屢舉費金最多金價日長人以為病仁宗明道二年正月癸未詔冊

用金者並改用銀而以金塗之自此十省其

惟實用金餘皆金塗也

同上

金遇鉛則碎

宋蘇軾物類相感志

道家有金丹之說故學者多以煅煉黃白為事不知金丹者人之真陽乃向上妙道借諭為金即禪宗之所謂金剛不壞身取其不生不滅永劫長存具不漏之體也丹者乾為大赤純陽乾金故號為丹豈徒以黃白為事况黃白之術神仙用以助安貧樂道之士今志求黃白者心已貪甚豈肯授此以遂其貪哉借

唐書卷一百一十五

使得之日成萬兩何救於生死大事况復不易可得  
遂使設欺規利之徒投其所好多致敗家不思彼有  
是術自能致富惟恐人知又何待以傳授資身也大  
抵志於黃白者已非清高之士豈足以學道哉雲間儲泳

說

林邑其國有金山石皆赤色其中生金金夜則出飛

狀如螢火宋馬端臨文獻通考

機謹按典籍便覽火下有謂金之精四字

仁宗英宗每下赦書輒委所在視冶之不發者或廢

治或蠲主者所負歲課率以為常而有司有請亦輒  
從之無所吝故冶之興廢不常而歲課增損係焉皇  
祐中歲得金萬五千九十五兩銀二十一萬九千八  
百二十九兩銅五百一十萬八百三十四斤鉄七百  
二十四萬一千一十斤鉛九萬八千一百五十一斤錫  
三十三萬六千九百九十五斤水銀二千二百一十斤其後  
以赦書從事或有司所請廢冶百餘既而山澤興發  
至治平中或增冶或復故者總六十八是歲視皇祐  
金減九千六百五十六銀增九萬五千三百八十四

蘇物類彙編

卷二

金屬

金

五

銅增一百八十七萬，鉄錫增百餘萬，鉛增二百萬，獨水銀無增損，又得丹砂二千八百餘斤。今之論次諸治以治平中所著云。

天聖中登萊採金，歲益數千兩。帝命獎官吏王曾曰：採金多則背本趨末者衆，不宜誘之。景祐中登萊民飢，詔弛金禁，聽民自取，後歲豐然後復故。

吳氏能改齊謾，錄曰：登萊州產金，自太宗時已有之。然尚少，至皇祐中始大發，民廢農桑來掘。

地採之有重二十餘兩為塊者，取之不竭。縣官權買歲課三千兩。

中書備對諸路坑冶金數

萊州金四千一百五十兩

房州金六十六兩

登州金三千九兩

商州金三十九兩

饒州金三十四兩

沅州金一百三十二兩

汀州金一百六十七兩

邕州金七百四兩 宋馬端臨  
文獻通考

按酉陽雜俎魏明帝時昆明國貢辟寒鳥常吐金屑如粟蜀都賦金沙銀礫注永昌有水出金如糠在沙中南夷夷貊傳林邑國有金山石皆赤色其中生金金夜則出飛狀如螢火此皆沙金之見於史傳者昔時遐方裔夷所產今則東南慶有之矣 同上

元豐元年是歲諸路坑冶金總計萬七百一十兩銀二十一萬五千三百八十五兩銅千四百六十萬五

千九百六十九斤鉄五百五十萬一千九十七斤鉛九百十九萬七千三百三十五斤錫二百三十二萬一千八百九十八斤水銀三千三百五十六斤朱砂三千六百四十六斤十四兩有奇 同上

孝惠紀注引食貨志黃金一斤直萬錢乃知漢金之賤也今金兩有直萬錢者則漢金一斤如今一兩價矣高祖善家今之言賜金五百斤罷醫不使之治疾賜金五千斤使陳平為反間捐金四萬斤使其價不賤安得如是之多哉唐時金必貴太宗以于志寧孔



穎達能諫太子各賜金一斤帛五百疋沈存中云古之一斤今四兩餘也然則一兩之直亦二千五百而已


宋孔平仲孔氏雜記

惠帝紀云視作斤上者將軍四十金鄭氏曰四十金四十斤金也晉灼曰近上二千石賜錢二萬此言四十金實金也下凡言黃金真金也不言黃金錢也食貨志黃金一介直萬錢也後漢何休注公羊百金之魚亦謂一金萬錢緇素雜記引一金萬錢以證晉王導所市練布之價則是一金萬錢不但秦漢為然自

三代至晉莫不皆然何千百年間金價一律如此今日之價視古又何倍蓰邪

宋王楙野客叢談

鄂州黃鶴樓下有石光微名曰石照其右巨石世傳以為仙人洞也一守閔老卒每晨興即拜洞下一夕月如晝見三道士自洞中出吟嘯久之將復入洞卒即從之道士曰汝何人耶卒具言其所以且乞富貴道士曰此洞間石速抱一塊去卒持而出石合無從而入明日視石黃金也鑿而貨之衣食頓富為隊長所察執之以為盜也卒以實告官就其家取石至郡



則金化矣非金非玉非石非鉛至今藏于軍資庫中

子瞻有詩記之 宋王鞏聞 見近錄

有人得青石大如磚背有鼻穿鐵索長數丈循環無

相斷處海商見之以數十千易之云此恆金石投於

海中經夕引出上必有金 宋魯應龍括 異志。說郭

百練之精言百練之不耗

拾遺記少昊時金鳴山 宋孔候白 孔六帖

南城童夢弼 宋說 教 授自其上祖曰浴於水濱忽見

一物如飛蛾從空而下試引手撲之而獲形狀似金

鴨不能動時已近暮歸而燭之黃金所為色大如人

拇指而羽翮纖悉畢備神采偏真混然天成略無瑣

刻人力亟緘于筭竇藏之寘諸枕席之上三日啟視

其尻乃金屑蓋遺糞也大異之自是數日輟一掃取

積之益久持貨于肆皆紫磨上色得價多於常品家

賞賴以行盛至錢流地上傳之累代及子孫分拆一

位拈得之偶子婦半夜生男感熱疾醫者急欲生金

煎湯下藥姑喜於得孫謂釵釧金不潔不可用於是

煮金鴨挹其湯既一經火不復有糞其家亦浸以衰

削今飲湯之兒猶在貧無置錘矣鴨失所在宋洪邁夷堅志淳熙五六年間有王道人者來復州僦店賣卜荒郡少售每日所得不及百錢終十日半月輒持數金半錢或一錢鬻于肆專似供酒炙之費留止半年鋪匠訝而扣之對曰頃歲卜於西蜀中定一貴人前程以此相酬今用之無盡矣疑弗信陰約儕輩密覘其所為郡城南有河浮橋過之又少西而南即往江陵大路王生一日度橋直西行十四五里平常人跡罕至處穿蘆林坐岫游探懷取絳囊可三指潤類醫家居

蘇者縛釣綸上擲水中若垂釣然少焉舉綸則碎金屑已粘着囊外遠望如星旋以鷲翎掃置幅紙上如是十餘返乃歸群匠匿身叢簿相視驚訝躡踵詣旅店後問王對如初始以白所見告於是微笑曰吾非挾此技此蓋吸金藥也大抵水非得金不能滯瀉故有水處必有金在於五行子母生旺之理誠不可誣但患無術挹取之耳世之燒煉藥金者必伏水銀先結砂子爐火伏養積月累歲然後能成既真方難值又坐糜日月其搆製之法以鐵鈔或磁盞盛水銀頓


微火上投刀圭藥末頃刻即成固為神妙然非伏火  
硫黃朱砂之屬與神仙大丹亦不能辨如我子子一  
身孤雲野鶴窮無置錘安得輕議如許事唯此段簡  
而要所獲雖不多啻足矣然昔年際遇道侶只以見  
成藥相付不曾傳方今篋中所餘猶數兩明日清且  
當分遺諸君但如我法試之仍勿為婦人鷄犬所敗  
則愈久愈佳也群匠大喜買酒共醉拂明到門聞其  
無人店主曰道人五更起箕傲直策杖去矣同上  
政和初間長沙益陽縣山溪流出生金重十餘斤後

又出一塊重到四十九斤他多稱是宋蔡條鐵園山叢談

諸薄之西北有薄歎洲土地出金常以採金為業轉

賣與諸賈人易糧米雜物康泰扶南土俗

海藥云按廣州記云出大食國彼方出金最多凡是  
貨易並使金錢性多寒生者有毒熟者無毒主癩癩  
風熱上氣咳嗽傷寒肺損吐血骨蒸勞極渴主利五  
臟邪氣補心並入薄於丸散服異志云金生麗水山  
海經說諸山出金極多不能錄蔡州出瓜子金雲  
南山出顆塊金花山石間採之黔南遂府吉州水中



並產麩金又嶺表錄異云廣州洽涯縣有金池彼中  
居人忽有養鵝鴨常於屎中見麩金片遂多養收屎  
淘之日得一兩或半兩而至富矣

宋唐慎微  
證類本草

寶藏論凡金有二十件雄黃金雌黃金曾青金硫黃  
金土中金生鐵金熟鐵金生銅金鑰石金砂子金土  
碌砂子金金母砂子金白錫金黑鉛金朱砂金已上  
十五件惟祇有還丹金水中金瓜子金青麩金草砂  
金等五件是真金餘外並皆是假同上  
諸金有毒生金有大毒藥人至死生嶺南夷獠洞穴

山中如赤黑碎石金鐵屎之類南人云毒蛇齒脫在  
石中又云蛇著石上又鳩屎著石上皆碎取毒處為  
生金以此為雌黃有毒雄黃亦有毒生金皆同此類  
人中金藥毒者用蛇解之其候法在金蛇條中本經  
云黃金有毒誤甚也生金與彼黃金全別也陳藏器  
同上  
其國產金及有金水源故稱為大金元宇文懋  
昭金志  
鎗金銀法嘉興斜塘楊匯縣工鎗去聲金鎗銀法凡器  
用什物先用黑漆為地以針刻畫或山水樹石或蒼  
竹翎毛或亭臺屋宇或人物故事一一完整然後用

新羅漆若鎗金則調雌黃若鎗銀則調韶粉日曬後  
角挑挑嵌所刻縫罅以金薄或銀薄依銀匠所用紙  
糊籠罩置金銀簿在內遂旋細切取鋪已施漆上新  
綿楷拭牢實但著漆者自然黏住其餘金銀都在綿  
上於熨斗中燒灰其錫內鎔銀渾不走失元陶九成  
輟畊錄  
金山亦名岬岬山棲霞縣東北二十里以產金得名  
即地記萊陽縣之黃銀坑也隋開皇十八年年州刺  
史辛公義於此坑冶鑄得黃銀獻之山寺有隋碑洵  
金者所祖然隋唐以來皆守土官采以充貢為數不

多未見其害今則編戶置官歲定金額有增無減三  
時沙汰僅得分毫名曰淘金實則買金鑄納戶漸逃  
亡官復侵剝大約金戶一家之賦當他戶三倍之多  
而戶不勝其苦矣又指以金苗鑿地人家居宅憤懣  
皆所不免而民不勝擾矣其害視醜竈有加夫弘羊  
之罪良史已書辛公義作備此毒可無誅乎故論及  
之土俗訛傳隋開皇中岬岬山出黃金九屋俗儒便  
紀之干石為可笑也元干思  
容齊乘  
慶曆四年金谿縣得生金山重三百二十四兩建隆

二年晉州神山縣北有鐵隨水流出方二丈三尺其重七千斤政和四年府畿汝蔡之間連山大小石皆變為碼碯尚方取之為寶帶器玩甚富慶元二年吳縣金鷲鄉銅錢二萬忽自飛是年泰寧縣耕夫得鏡厚三寸徑尺有二寸照見水底與日爭光病熱者對之心骨生寒未幾雷震碎

明當湖趙維寰雪廬讀史快編

漢法聘后用黃金二萬斤為錢二萬萬而寶貨法凡黃金二萬斤直錢萬萬朱提銀捌兩為一流直錢一千五百八十餘銀一流直錢千

朱提縣出善銀音殊時 當時黃

金一兩財六百銀一兩財二百東坡常怪今之黃金

不若昔之多糜之者眾宜其少而價貴也

泊宅編 余按

一兩值六百者聘后之黃金也若准寶貨法終三百

耳與銀價不甚相遠

明張鼎思卿和代醉編


五金之礦生於山川重複高峯峻嶺之間其發之初

唯於頑石中隱見礦脈微如毫髮有識礦者得之鑿

取烹試其礦色樣不同精麓亦異礦中得銀多少不

定或一羅重二十五斤得銀多至二三兩少或三四

錢礦脈深淺不可測有地面方發而遽絕者有深入



數丈而絕者有甚微久而方濶者有礦脉中絕而鑿  
取不已復見興盛者此名為過壁有方採於此忽然  
不現而後發於尋丈之間者謂之蝦蟇跳大率坑匠  
採礦如蟲蠹木或深數丈或數十丈或數百丈隨淺  
深斷絕方止舊取礦携尖鐵及鐵錘竭力擊之凡數  
十下僅得一片今不用錘尖惟燒爆得礦礦石不拘  
多少採入碓坊舂碓極細是謂礦末次以大桶盛水  
投礦末於中攪數百次謂之攪粘凡桶中之粘分三  
等浮於面者謂之細粘桶中者謂之梅沙沉於底者

謂之麓礦肉若細粘與梅沙用尖底淘盆浮於淘池  
中且淘且汰泛颺去麓畱取其精英者其麓礦肉則  
用一木盆如小舟然淘汰亦如前法大率欲淘去石  
末存其真礦以桶盛貯璀璨星可觀是謂礦肉次用  
米糊搜拌圓如拳大排於炭上更以炭一尺許之  
自且發火至申時住火候冷名窩團次用烱銀爐熾  
炭投鉛於爐中候化即投窩團入爐用鞴鼓扇不停  
手蓋鉛性怯收銀盡歸爐底獨有滓浮於面凡數次  
爐响出熾火掠出爐面滓烹鍊既熟良久以水滅火



則銀鉛為一。是謂鉛駝。次就地用上等爐灰。視鉛駝大小。作一錢灰窠。置鉛駝於灰窠內。用炭圍。疊側肩。火不住手。初鉛銀混。泓然於炭窠之內。望泓面有烟雲之氣。飛走不定。久之稍散。則雪花勝湧。雪花既盡。湛然澄徹。又少頃。其色自一。邊先變。渾色是謂窠翻。乃銀熟。烟雲雪花乃鉛氣未盡之狀。鉛性畏灰。故用灰以捕鉛。鉛既入灰。唯銀獨存。自辰至午。方見盡。銀鉛入於灰。坩乃生藥。中密陀僧也。明陸容菽園雜記摘抄

王都羊苴咩城長川諸山。往往有金。或披沙得之。麗

水多金。歎

明陳仁錫八編類纂

管子曰。湯七年旱。禹五年水。人之每檀。麋也。賣子者。湯

以莊山之金鑄幣。而贖人之每檀。賣子者。禹以歷山

之金鑄幣。以救人之困。○臣按此後世鑄金為幣之

始。然皆目緣水旱。以救濟饑困。非專以阜通財貨也。

同上

金有五。曰青。金曰錫。曰赤。金曰銅。曰黃。金曰白。

金曰銀。曰黑。金曰鐵。而黃檀。金名。故經傳稱金者。皆

黃金也。銅以金命之。則遜黃曰赤。以鐵名之。則進赤

曰黃故唐孔氏呂刑罰錕傳謂錕是黃鐵為銅而虞  
書金作贖刑漢孔氏注謂黃金唐虞以黃金為中幣  
行使皆用黃金故耳雖秦漢猶然漢第少其斤兩今  
與銅相值至後魏始改用絹近時澹老劫以銅鐵皆  
名金鐵亦近銅故兩傳注黃金黃鐵皆是銅則別用  
鄭注禹貢金三品白銅三色也明陳繼儒古今奇聞  
唐六典有十四種金曰銷金曰鍍金曰織金曰研金  
曰披金曰泥金曰鏤金曰撚金曰戩金曰圈金曰貼  
金曰嵌金曰裹金而揚用修謂古有鈿金尚不在其

中至宋大中祥符八年三月庚子又詔應銷金貼金  
鏤金間金戩音尹金圈金解金剔金撚金陷金明金泥  
金榜金背金影金闌金盤金織金金線皆不許造中  
宮以下衣服並不得為飾凡十九種吁工匠日繁名  
色愈功服色寢侈金之消耗無窮矣鏤金疑即鍍音戩  
金又有環金俗作廂不知唐十四種宋十九種內作  
何金也同上

山海經志海內諸名山必曰其上多金玉無草木金  
玉與草木氣相刑多金玉無草木矣理也然今海內

諸名山歷歷故在何上古金玉多助豈至治之代地  
不愛寶與或曰唐虞以珠玉為上幣黃金迺為中幣  
下至戰國秦漢謀臣詭士一言合主輒賜黃金百鎰  
白壁二雙有賜金百鎰珠二斗者珠玉雜黃金行使  
耳非以其多故然與秦漢始以黃金為上幣已不同  
於古矣然周以斤秦以鎰漢復用斤而珠玉龜貝銀  
錫之屬止為器飾室藏不為幣珠玉不為幣以為寶  
藏貴之也銀錫不為幣以為器飾賤之也至漢武征  
伐四夷虛耗海內於是大司農藏告竭不足以給貴

而少府多銀錫始詔雜用以為錢而民終以賤不室  
用歲餘報罷夫以漢武之威行於海不能強民情所  
賤以為貴銀錫終廢不行以賤故也後世既乃以銀  
為上幣黃金為寶藏不復為幣民間又公雜鉛銅與  
銀用之而尚不給不知其道曷由有世道之責者其  
可不深長思哉

明陳繼儒  
古今奇聞

戰國策趙取周之祭地周君患之鄭朝曰臣請以三  
十金復取之鮑注云一斤為一金吳氏正曰正義云  
秦以一鎰為一金又史記平準書米至石萬錢馬至

尺百金瓚注曰秦以一鎰為一金漢以一斤為一金而孟康云二十四兩國語注同趙岐云二十兩按莊子逍遙遊篇我世世為泝泝然不過數金今一朝而鬻枝百金注李云金方寸重一斤為一金百斤也與鮑注同恐李鮑說為長同上漢食貨志曰金有三等黃金為上白金為中赤金為下而黃金者不多得然漢時賞賜臣下數數用之諸稱金者未知孰何姑不著如高祖時賜張良黃金百鎰又用陳平言行及間間項王君臣乃出黃金四萬

斤武帝以東方朔諫引董君設飲宜室賜黃金三十斤又曰諫止籍蓋屋鄆杜田為苑賜黃金百斤元帝時丞相趙克國大司馬史高御史大夫薛廣德以歲惡民流乞骸骨各賜黃金六十斤成帝時黃門郎揚雄以上書諫請毋拒匈奴單于入朝賜繒帛五十疋黃金十斤哀帝時傳喜以忤傳太后意以光祿大夫養病賜黃金百斤至宣帝時賞賜尤多如疏廣受乞骸骨加賜黃金二十斤皇太子贈以五十斤夏侯勝受詔撰論語說賜黃金百斤黃霸為潁川太守有績

效下詔賜爵關內侯黃金百斤龔遂以渤海太守之  
任召對稱旨加賜黃金贈遺之杜延年為北地太守  
而郡中清淨居歲餘使謁者賜璽書黃金二十斤朱  
邑為大司農卒以廉潔守節詔賜邑子黃金百斤尹  
翁歸以廉正治民異等而蚤夭賜其子黃金百斤如  
賞賜大將軍霍光前後黃金七千斤其他散見紀傳  
亡暇悉舉蓋古人質儉山海所產不糜耗於他用郡  
國派布帛藏克溢故天子得以為恩澤後世雖內府  
所積亦貧矣又王莽末天下旱蝗黃金一斤易粟一

斛雖其粟貴亦金多與逮莽亡省中黃金尚餘數千

萬斤同上

異物志狼臙之民夜為市以鼻嗅金之好惡明陳繼  
儒珍珠

漢惠帝賜金不言黃謂錢也食貨志黃金一斤直萬  
金錢蓋一金與萬錢等也明陳繼儒  
羣碎錄

庶物類集  
卷一

